

FOTO/ Rikonstruksioni i Kishës së Ristozit në Korçë, një destinacion i denjë drejt turizmit religjioz



Kisha e Ristozit në Mborje të Korçës, e cila daton në fund të shek. XIV është tashmë një destinacion i denjë drejt turizmit religjioz. Në këtë kishë është realizuar rikonstruksioni i saj, me një fond prej rreth 3,9 milionë lekësh nga buxheti i shtetit.

“Sa herë që vizitoj Kishën e Ristozit, po aq herë më mahnit mënyra e ndërtimit, simbolika e afreskeve, intimiteti që ofrojnë ambientet e brendshme e të jashtme. E kënaqur me punimet që janë realizuar për rikonstruksionin e saj, me një fond prej rreth 3,9 milionë lekësh, nga buxheti i shtetit. Besimtarët janë rikthyer sërish aty dhe do të doja të tregoheshin më të kujdesshëm në çdo qiri që ndezin e vezë Pashke që thyejnë mureve, me qëllim që ky monument i rrallë t’u përcillet edhe brezave të ardhshëm”, shprehet ministrja e Kulturës, Elva Margariti e cila zhvilloi një vizitë në këtë kishë.

Kisha e Ristozit në Mborje të Korçës, e cila bën pjesë në variantin e kishave në

formë kryqi të brendashkruar me kupolë, pa mbështetje të brendshme, datohet në fund të shek. XIV.

Mbishkrimi mbi portën perëndimore të naosit na njeh me kohën e ndërtimit dhe pikturimit të kishës në vitin 1389, me porosinë e peshkop Nimfonit.

Brendësia e naosit është e zbukuruar me afreske të një cilësie mjaft të lartë. Mbi portën perëndimore është një afresk i shkurtyr dhe i pjesshëm, i cili përfaqëson një skenë me një figurë të mëdha të zezë dhe një figurë të mëdha të bardhë.





- [ATSH](#)